



ЎЗБЕКИСТОН RESPUBLIKASI DAVLAT SOLIQ KUMITASINING ҚАРОРИ


Солиқ аудитини ўтказиш тўғрисидаги низомни тасдиқлаш ҳақида

Ўзбекистон Республикаси Солиқ кодексининг 140-моддасига мувофиқ,
Ўзбекистон Республикаси Давлат солиқ кўмитаси қарор қилади:

1. Солиқ аудитини ўтказиш тўғрисидаги низом иловага мувофиқ тасдиқлансин.

2. Мазкур қарор расмий эълон қилинган кундан бошлаб кучга киради.

Давлат солиқ кўмитаси раиси



 Ш. Кудбиев

Тошкент ш.,

2020 йил “18” май,

2020-17 -сон

Ўзбекистон Республикаси
Давлат солиқ қўмитасининг
2020 йил 18 майдаги
2020-17-сон қарорига
ИЛОВА

Солиқ аудитини ўтказиш тўғрисидаги НИЗОМ

Мазкур Низом Ўзбекистон Республикаси Солиқ кодексига (бундан буён матнда Солиқ кодекси деб юритилади) мувофиқ солиқ аудитини ўтказиш тартибини белгилайди.

1-боб. Умумий қоидалар

1. Солиқ аудити солиқ органлари томонидан солиқ тўловчининг муайян давр учун солиқлар ва йиғимларнинг ҳисобланиши ҳамда тўланишининг тўғрилигини текшириш мақсадида, унинг бухгалтерия, молия, статистика, банк ҳамда бошқа ҳужжатларини ўрганиш ва таққослаш йўли билан ўтказилади.

2. Жиноят иши доирасида солиқ тўловчининг молия-хўжалик фаолиятини тафтиш этиш Ўзбекистон Республикасининг Жиноят-процессуал кодекси ва Солиқ кодекси талаблари асосида ўтказилади.

3. Солиқ аудити қуйидаги солиқ тўловчиларда ўтказилади:

солиқ органида хавфни таҳлил этиш автоматлаштирилган ахборот тизими (“Таҳлика-таҳлил” дастурий маҳсулоти) орқали аниқланган, юқори даражадаги таваккалчилик (солиқ хавфи) тоифасига мансуб бўлган солиқ тўловчиларда;

камерал солиқ текшируви натижаси бўйича солиқ органининг талабномасига жавобан аниқлаштирилган солиқ ҳисоботини тақдим этмаган (шу жумладан, аниқлаштирилган талабномадан кейин), аниқланган тафовутлар бўйича асос келтирмаган ёки тақдим қилинган асосномалар етарли эмас деб топилган юқори даражадаги таваккалчилик (солиқ хавфи) тоифасига мансуб бўлган солиқ тўловчиларда;

ихтиёрий тугатилаётган солиқ тўловчиларда;

жиноий иш қўзғатилган солиқ тўловчиларда;

аввал ўтказилган солиқ аудити чоғида солиқ органига маълум бўлмаган янги ҳолатлар аниқланган солиқ тўловчиларда.

4. Солиқ аудити доирасида солиқ органлари томонидан солиқ тўловчига ҳужжатлар электрон ҳужжат тарзида солиқ тўловчининг шахсий кабинетига юборилади. Юборилган ҳужжатлар солиқ тўловчи томонидан ўқиб чиқилганидан кейин, лекин ушбу ҳужжат жўнатилган санадан эътиборан уч кундан кечиктирмай олинган деб ҳисобланади.

Агар солиқ тўловчида солиқ тўловчининг шахсий кабинети мавжуд бўлмаса, ҳужжатлар буюртма хат қилиб почта орқали юборилади ва улар жўнатилганидан сўнг беш кундан кейин олинган деб ҳисобланади.



Хужжатлар солиқ тўловчига ёки унинг вакилига шахсан мазкур хужжатлар олинган сана кўрсатилган ҳолда имзо қўйдириб топширилиши мумкин.

2-боб. Солиқ аудитини тайинлаш

5. Солиқ аудити солиқ тўловчиларни олдиндан хабарнома юбориш орқали амалга оширилади, бундан мазкур банднинг иккинчи хатбошисида назарда тутилган ҳолат мустасно.

Агар солиқларни тўлашдан бўйин товлаш белгилари мавжуд бўлса, Йирик солиқ тўловчилар бўйича ҳудудлараро давлат солиқ инспекцияси, Қорақалпоғистон Республикаси, вилоятлар ва Тошкент шаҳар давлат солиқ бошқармалари Ўзбекистон Республикаси Давлат солиқ қўмитаси билан келишган ҳолда солиқ тўловчини олдиндан хабардор қилмасдан солиқ аудитини бошлайди.

Солиқ тўлашдан бўйин товлаш белгилари Солиқ кодексининг 223-моддасига асосан аниқланади.

6. Солиқ аудитини ўтказиш учун солиқ органи раҳбарининг (раҳбар ўринбосарининг) буйруғи солиқ тўловчи томонидан тақдим этилган солиқ ҳисоботларини ва (ёки) солиқ тўловчининг фаолияти тўғрисида солиқ органида мавжуд бошқа маълумотларни ўрганиш ва таҳлил қилиш асосида солиқ аудити дастури тайёрлангандан кейин чиқарилади.

Солиқ аудитини ўтказиш тўғрисидаги буйруқ билан уни ўтказиш дастури ҳам тасдиқланади.

Жиноят иши юзасидан ўтказиладиган солиқ аудити учун буйруқ тафтиш ўтказиш тўғрисида қабул қилинган қарор ёки ажрим солиқ органига келиб тушган кундан бошлаб икки иш куни мобайнида чиқарилади.

7. Тугатилаётган солиқ тўловчиларда рўйхатдан ўтказилган тегишли органдан солиқ органи хабардор қилинган кундан бошлаб уч иш куни мобайнида солиқ аудитини амалга оширишга киришади.

Фаолиятини доимий муассаса орқали амалга ошираётган Ўзбекистон Республикасининг норезиденти тугатилаётганда, солиқ аудити унинг солиқ органида ҳисобга қўйилишига асос бўлган хужжатларда кўрсатилган муддат тугаган кундан бошлаб уч иш куни мобайнида бошланиши лозим.

Тугатилаётган солиқ тўловчида солиқ аудитини ўтказиш тўғрисида буйруқ солиқ аудитини ўтказиш дастури тайёрланган кундан сўнг уч иш кунидан кечиктирмасдан чиқарилади.

8. Солиқ аудити:

Қорақалпоғистон Республикаси, вилоятлар ва Тошкент шаҳар давлат солиқ бошқармалари томонидан ўз ҳудудида солиқ тўловчи сифатида рўйхатдан ўтган солиқ тўловчиларда;

йирик солиқ тўловчилар бўйича ҳудудлараро давлат солиқ инспекцияси томонидан йирик солиқ тўловчиларда;



Давлат солиқ кўмитаси томонидан юқори даражадаги таваккалчилик (солиқ хавфи) тоифасига мансуб бўлган солиқ тўловчиларда.

Солиқ аудитида иштирок этиш учун бошқа солиқ органларининг мансабдор шахслари жалб этилиши мумкин.

9. Солиқ аудитини ўтказиш тўғрисидаги буйруқда қуйидагилар кўрсатилиши лозим:

солиқ аудити ўтказиш учун асослар;

солиқ тўловчининг номи ва идентификация рақами;

солиқ аудитини ўтказувчи шахсларнинг фамилияси, исми, отасининг исми ва лавозими;

солиқ аудитини ўтказиш муддати;

солиқ аудитининг мақсади (текшириладиган солиқ даврида барча солиқлар ва йиғимлар ёки айрим солиқ тури).

10. Солиқ аудити ўтказилаётган даврда текширилаётган даврнинг солиқ ҳисоботига солиқ тўловчи томонидан ўзгартишлар ва қўшимчалар киритилишига йўл қўйилмайди.

Бунда солиқ тўловчи томонидан текширилаётган даврнинг айнан текширилаётган солиқ ҳисоботларига ўзгартиш ва қўшимчалар киритилиши юзасидан жўнатилган қайта ҳисоботлари қабул қилинмайди (қайтарилади) ва солиқ аудити жараёнида солиқлар ҳисобланишида ҳисобга олинмайди.

Солиқ аудитини ўтказиш муддати ўтказилган солиқ аудити тўғрисида далолатнома тузилган (имзоланган) кунда тугайди.

Солиқ аудитида икки ва ундан ортиқ солиқ аудитини ўтказувчи шахслар қатнашганда, текшириш жараёнини бошқариш ва натижаларини умумлаштириш мақсадида буйруқда биринчи кўрсатилган текширувчи гуруҳ раҳбари ҳисобланади.

11. Солиқ органи солиқ аудити бошланишидан камида ўттиз календарь кун олдин солиқ тўловчига солиқ аудити ўтказилиши тўғрисида ушбу Низомнинг 1-иловасига мувофиқ шаклда хабарнома юборади, бундан солиқларни тўлашдан бўйин товлаш белгилари мавжуд бўлган, ихтиёрий равишда тугатилаётган ҳамда жинойт иши доирасида тафтиш ўтказиладиган солиқ тўловчилар мустасно.

Хабарномада солиқ аудитининг бошланиш санаси, текширилиши лозим бўлган масалаларнинг рўйхати, зарур ҳужжатларнинг дастлабки рўйхати, шунингдек солиқ аудитини ўтказиш учун зарур бўлган бошқа маълумотлар кўрсатилади.

Солиқ тўловчи солиқ аудити бошлангунга қадар хабарномада кўрсатилган ҳужжатлар ва маълумотларни тайёрлаб қўйиши лозим.

12. Солиқ тўловчига солиқ аудити ўтказилиши тўғрисидаги хабарнома солиқ тўловчининг шахсий кабинетини ёки буюртма хат қилиб почта орқали юборилади.

13. Солиқ аудити фақат Солиқ кодексининг 88-моддасида белгиланган даъво қилиш муддати ўтмаган охириги солиқ аудитидан кейинги даврни қамраб олиши мумкин.

14. Солиқ органлари солиқ тўловчининг айнан битта давр учун айнан бир хил солиқлар бўйича бир мартадан ортиқ солиқ аудитини ўтказишга ҳақли эмас, бундан солиқ аудитини ўтказиш чоғида солиқ органига маълум бўлмаган янги ҳолатлар аниқланган ҳоллар мустасно. Янги ҳолатлар аниқланган тақдирда солиқ органи такрорий солиқ аудитини тайинлашга ҳақли.

Солиқ аудитини ўтказиш чоғида солиқ органига маълум бўлмаган янги ҳолатларга солиқ тўлашдан бўйин товлаш ҳамда солиқ тўловчи томонидан солиқ аудити ўтказилган даврлар учун солиқлар ва йиғимлар суммасининг камайишини назарда тутувчи аниқлаштирилган солиқ ҳисоботларини тақдим қилиниши киради.

15. Солиқ аудитини ўтказиш муддати ўттиз иш кунини ташкил қилади, бундан мазкур Низомнинг 16-бандида назарда тутилган ҳолатлар мустасно.

16. Агар мазкур бандда бошқача қоида назарда тутилмаган бўлса, солиқ аудитини ўтказиш муддати икки ойгача, алоҳида ҳолларда эса – уч ойгача узайтирилиши мумкин.

Солиқ аудитини ўтказиш муддати ўтказилиши қуйидагилар учун ҳам узайтирилиши мумкин:

талаб қилинган ҳужжатлар (ахборотлар) беш иш куни ичида тақдим қилинмаганда (узайтириш ҳужжатлар талаб қилинаётган ҳар бир шахс бўйича кўпи билан бир марта йўл қўйилади);

чет эл давлат органларидан Ўзбекистон Республикасининг халқаро шартномалари доирасида ахборот олишда;

экспертизалар ўтказишда;

чет тилида тақдим этилган ҳужжатларни таржима қилишда (ҳужжатлар давлат тилига таржима қилинган асл нусхалари шаклида ёки нотариал тарзда тасдиқланган шаклда бўлиши мумкин);

солиқ аудити жараёнида ўрганилиши лозим бўлган ҳужжатлар ҳажмининг кўплиги сабабли солиқ аудитини ўтказиш учун буйруқда кўрсатилган муддатнинг етарли эмаслигида;

яроқсиз ҳолга келган ҳужжатларнинг ҳамда солиқлар ва йиғимларни ҳисоблаб чиқариш билан боғлиқ электрон ахборот жисмларни қайта тикланишида;

мутахассис фикри олинмишида;

эксперт жалб қилинганда.

17. Солиқ аудитини ўтказишнинг умумий муддати олти ойдан ошиши мумкин эмас.

18. Солиқ аудитининг муддатини узайтириш солиқ аудитини ўтказувчи шахснинг асослантирилган илтимосномасига асосан юқори турувчи солиқ органининг рухсати билан амалга оширилади. Бунда асослантирилган илтимоснома солиқ аудитининг муддати тугашидан беш иш куни олдин берилиши керак.

19. Солиқ аудитининг муддати узайтирилганда олдинги буйруқнинг рўйхатга олиш рақами ва санаси кўрсатилган ҳолда солиқ органи раҳбари (раҳбар ўринбосари) томонидан қўшимча буйруқ чиқарилади.



20. Текширилаётган солиқ даврида товарларни (хизматларни) реализация қилишдан олинган жами даромади бир миллиард сўмдан ошмаган юридик шахслар ва якка тартибдаги тадбиркорларда солиқ аудитини ўтказиш муддати ўттиз иш кунидан ортиқ давом этиши мумкин эмас, бундан жиноят иши доирасида ўтказиладиган солиқ аудити (тафтиш) мустасно.

3-боб. Солиқ аудитини ташкил этиш

21. Солиқ аудитини ўтказиш муддати солиқ тўловчига (солиқ агентига) солиқ аудитини тайинлаш тўғрисидаги буйруқ топширилган кунда бошланади.

22. Солиқ аудитини тайинлаш тўғрисидаги буйруқ нусхаси солиқ тўловчига ёки унинг вакилига буйруқнинг иккинчи нусхасига уни олганлиги тўғрисида имзо қўйдирган ҳолда топширилади.

Агарда солиқ тўловчи юридик манзилида жойлашмаганлиги ёки бошқа сабабларга кўра буйруқни тақдим қилишни имкони бўлмаганда, буйруқ унинг шахсий кабинетига юборилади.

Солиқ тўловчида солиқ тўловчининг шахсий кабинети мавжуд бўлмаса, буйруқ буюртма хат қилиб почта орқали юборилади.

23. Солиқ аудити бошланишидан олдин солиқ аудитини ўтказувчи шахс қуйидагиларни амалга ошириши лозим:

шахсий хизмат гувоҳномасини ва текширув ўтказиш ҳуқуқини берувчи махсус гувоҳномасини кўрсатиши;

солиқ тўловчини ёки унинг вакилини текширув мақсади билан таништириши;

“Текширувларни рўйхатга олиш китоби”ни тўлдириши, китоб ёки унинг электрон шаклини тўлдириш имкони мавжуд бўлмаган тақдирда, бу ҳақда солиқ аудити далолатномасида қайд этиши;

солиқ аудитини тайинлаш тўғрисидаги буйруқнинг бир нусхасини солиқ тўловчига тақдим этиши;

солиқ тўловчининг ҳуқуқ ва мажбуриятларини, шу жумладан текширув устидан жамоатчилик назоратини амалга ошириш учун Ўзбекистон Республикаси Савдо-саноат палатаси ёки тадбиркорлик субъектларининг бошқа тегишли бирлашмаларини жалб қилишга ҳақли эканлигини тушунтириши.

24. Солиқ аудити “Текширувларни рўйхатга олиш китоби” тўлдирилганидан сўнг ўтказилади.

Солиқ аудити далолатномасига “Текширувларни рўйхатга олиш китоби”нинг тўлдирилган шакли (қоғоз шакли тўлдирилганда – электрон шакли тўлдирилмаганлиги сабаби) ёки китоб тақдим этилмаганда – унинг тақдим этилмаганлиги тўғрисида солиқ аудитини ўтказувчи шахс томонидан тегишли ёзув киритилади.



Солиқ аудитини ўтказувчи мансабдор шахс “Текширувларни рўйхатга олиш китоби”ни тўлдиришдан бош тортган тақдирда, солиқ тўловчи солиқ аудитининг ўтказилишига йўл қўймасликка ҳақли.

25. Солиқ аудити 2022 йил 1 январга қадар Ўзбекистон Республикаси Президенти ҳузуридаги Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакилни солиқ аудити тайинланганлиги тўғрисида қонун ҳужжатларида белгиланган тартибда хабардор қилиш орқали ўтказилади.

2022 йил 1 январдан бошлаб солиқ аудити Текширувларни электрон рўйхатга олиш ягона тизими орқали Назорат қилувчи органлар томонидан тадбиркорлик субъектлари фаолиятида ўтказиладиган текширувларни келишиш ва ўтказиш тартиби ҳақидаги вақтинчалик низомга (рўйхат рақами 3067, 2018 йил 7 сентябрь) асосан Ўзбекистон Республикаси Президенти ҳузуридаги Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил билан келишилган ҳолда “Текширувларни рўйхатга олиш китоби” тўлдирилганидан сўнг ўтказилади.

Солиқ аудити натижалари солиқ органлари томонидан текширув тамомлангандан кейин уч кун ичида Текширувларни электрон рўйхатга олиш ягона тизимига киритилади.

26. Солиқ аудитини солиқ тўловчининг ҳудудида ўтказишнинг имкони бўлмаганида, солиқ аудити солиқ органи жойлашган жойда ўтказилади. Бунда солиқ аудитини ўтказиш учун зарур бўлган ҳужжатлар солиқ тўловчи (тугатувчи) томонидан солиқ органига тақдим этилади.

4-боб. Тугатилаётган солиқ тўловчиларда солиқ аудитини ўтказиш хусусиятлари

27. Ихтиёрий равишда тугатилаётган тадбиркорлик субъектлари ва яқка тартибдаги тадбиркорларда солиқ аудити Ўзбекистон Республикаси Вазирлар Маҳкамасининг 2019 йил 21 августдаги 704-сон қарори билан тасдиқланган Тадбиркорлик субъектларини ихтиёрий тугатиш ва уларнинг фаолиятини тўхтатиш тартиби тўғрисидаги низомга асосан амалга оширилади.

Ўзбекистон Республикаси Вазирлар Маҳкамасининг 2019 йил 21 августдаги 704-сон қарори билан тасдиқланган Тадбиркорлик субъектларини ихтиёрий тугатиш ва уларнинг фаолиятини тўхтатиш тартиби тўғрисидаги низом қоидалари қўлланилмайдиган корхона ва ташкилотлар тугатилишида солиқ аудити уларни тегишлилиги бўйича рўйхатдан ўтказувчи органнинг хабарномаси ёки уларнинг аризасига биноан амалга оширилади.

Солиқ органида солиқ тўловчи сифатида ҳисобга қўйилган Ўзбекистон Республикаси норезидентининг доимий муассасасида солиқ аудити унинг солиқ органида ҳисобга қўйилишига асос бўлган аризада ёки унга илова қилинган шартномада (мавжуд бўлган тақдирда) кўрсатилган муддат тугаганда ўтказилади.

28. Давлат рўйхатидан ўтказилган вақтдан бошлаб молия-хўжалик фаолиятини амалга оширмаган ҳамда солиқ қарзи мавжуд бўлмаган тижорат ташкилотларида солиқ аудити ўтказилмайди.

29. Ихтиёрий равишда тугатилаётган солиқ тўловчида солиқ аудити охириги солиқ аудитидан кейинги солиқ даврини, лекин солиқ аудити ўтказилаётган йилдан олдинги уч йилдан ошмаган даврни қамраб олиши мумкин.

5-боб. Худуд ва биноларни кўздан кечириш

30. Солиқ органларининг бевосита солиқ текширувини ўтказувчи мансабдор шахслари кўрсатилган объектлар тўғрисидаги аниқ маълумотларнинг текширилаётган шахс томонидан тақдим этилган ҳужжатларга асосланган маълумотларга мувофиқлигини аниқлаш мақсадида текширилаётган шахснинг тадбиркорлик фаолиятини амалга ошириш учун фойдаланиладиган худудларини ёки биносини ёхуд солиқ солиш объектларини кўздан кечиришни ўтказиши мумкин.

Худуд ва биноларни кўздан кечириш холислар иштирокида амалга оширилади ҳамда зарур бўлган ҳолларда, кўздан кечириш чоғида фотосуратга олиш ва видеоёзувга тушириш амалга оширилади, ҳужжатлардан кўчирма нусхалар олинади ёки кўздан кечириш билан боғлиқ бошқа ҳаракатлар бажарилади.

31. Бевосита солиқ аудитини ўтказувчи солиқ органлари мансабдор шахсларининг текширилаётган шахснинг худудига ёки биносига кириши ушбу мансабдор шахслар томонидан хизмат гувоҳномалари ва солиқ органи раҳбарининг (раҳбари ўринбосарининг) ушбу шахснинг солиқ аудитини ўтказиш тўғрисидаги буйруғи (қарори) тақдим этилган тақдирда амалга оширилади.

Солиқ органларининг солиқ аудитини ўтказувчи мансабдор шахсларига мазкур худудларга ёки биноларга (бундан турар-жой бинолари мустасно) киришига тўсқинлик қилинган тақдирда солиқ органининг мансабдор шахси ўзи ва текширилаётган шахс томонидан имзоланадиган далолатномани ушбу Низомнинг 2-иловасига мувофиқ шаклда тузади. Бундай далолатнома асосида солиқ органи текширилаётган шахс тўғрисида ўзида мавжуд бўлган маълумотлар ёки худди шундай солиқ тўловчилар тўғрисидаги маълумотлар асосида тўланиши лозим бўлган солиқ суммасини мустақил тарзда аниқлашга ҳақли.

Текширилаётган шахс кўрсатилган далолатномани имзоланишни рад этган тақдирда мазкур далолатномага тегишли қайд киритилади.

Солиқ аудитини ўтказувчи шахсга худудларга ёки биноларга (бундан турар жой бинолари мустасно) киришига тўсқинлик қилинган ёки солиқ тўловчи рўйхатга олиш маълумотларида кўрсатилган манзилида жойлашмаган тақдирда, солиқ органлари Солиқ кодексининг 111-моддасига мувофиқ солиқ тўловчининг банкдаги ҳисобварақлари бўйича операцияларни ўн иш кунидан кўп бўлмаган муддатга тўхтатиб туриши мумкин.

32. Худуд ва биноларни кўздан кечириш учун уларга киришга тўсқинлик қилинган ҳолат бўйича далолатнома тузилганидан кейин солиқ тўловчи томонидан



ҳудуд ва биноларга киришга рухсат берилган тақдирда, солиқ тўловчининг банклардаги ҳисобварақлари бўйича операцияларни тўхтатиб туриш тўғрисидаги қарор бекор қилинади ҳамда кўздан кечириш белгиланган тартибда амалга оширилади.

33. Ҳудуд ва бинолар кўздан кечириш натижасида ушбу Низомнинг 3-иловасига мувофиқ шаклда баённома тузилади.

34. Агарда мазкур солиқ солиш билан боғлиқ объектлар бошқа вилоят ҳудудида жойлашган тақдирда, ушбу объектларни кўздан кечириш, солиқ тўловчининг мол-мулкани хатловдан ўтказиш ва савдо қоидаларига риоя қилинишини назорат қилиш солиқ аудитини ўтказувчи шахснинг мурожаати асосида объект жойлашган жойдаги солиқ органи раҳбарининг (ўринбосарининг) буйруғига биноан амалга оширилади.

6-боб. Ҳужжатларни талаб қилиб олиш

35. Солиқ аудитини ўтказувчи шахс солиқ тўловчидан солиқ аудити учун зарур бўлган ҳужжатларни талаб қилиб олишга ҳақли. Бунда солиқ тўловчига мазкур Низомнинг 4-иловасига мувофиқ шаклда расмийлаштирилган ҳужжатларни тақдим этиш тўғрисидаги талабнома (бундан буён матнда талабнома деб юритилади) юборилади.

Талабнома солиқ тўловчига шахсан имзо қўйдирган ҳолда топширилади. Агар талабномани мазкур усулда топшириш имкони бўлмаса, у мазкур Низомнинг 4-бандида белгиланган тартибда юборилади.

Талаб қилиб олинган ҳужжатлар солиқ органига шахсан ёки вакил орқали тақдим этилиши, почта орқали буюртма хат билан юборилиши ёхуд телекоммуникация алоқа тармоқлари ёки солиқ тўловчининг шахсий кабинети орқали электрон шаклда топширилиши мумкин.

36. Солиқ аудити давомида талаб қилиб олинган ҳужжатлар талабнома олинган кундан эътиборан беш иш куни ичида тақдим этилади. Агар текшириладиган шахс талаб қилинадиган ҳужжатларни ушбу муддатда тақдим этиш имконига эга бўлмаса, у солиқ аудитини ўтказувчи шахсни бу ҳақда ёзма равишда хабардор қилади.

Солиқ тўловчи талаб қилинган ҳужжатларни белгиланган муддатларда тақдим этишнинг имкони йўқлиги тўғрисида унинг сабабларини кўрсатилган ёзма шаклдаги хабарномани талабнома олинган кундан кейинги кун давомида юбориши керак. Ушбу хабарномада солиқ тўловчи талаб қилинган ҳужжатларни тақдим эта олиши мумкин бўлган муддатлар кўрсатилиши лозим.

37. Солиқ органининг раҳбари (раҳбар ўринбосари) солиқ тўловчидан хабарномани олган кундан эътиборан икки кун ичида ушбу хабарнома асосида ҳужжатларни тақдим этиш муддатларини узайтириш ёки муддатларни узайтиришни рад этишга ҳақли бўлиб, бу ҳақда алоҳида қарор чиқаради.

38. Солиқ тўловчининг талаб қилинадиган ҳужжатларни тақдим этишни рад этганлиги солиқ аудитини ўтказувчи шахс томонидан ушбу Низомнинг

4-иловасига мувофиқ шаклда тузиладиган ҳамда солиқ тўловчи ва солиқ аудитини ўтказувчи шахс томонидан изоладиган баённомада қайд этилади.

Солиқ тўловчи баённомани имзолашни рад этган тақдирда, бу ҳақда тегишли қайд киритилади. Хужжатларни тақдим этиш солиқ тўловчи томонидан рад этилганлиги ёки белгиланган муддатларда тақдим этилмаганлиги ушбу хужжатларни олиб қўйиш учун асос бўлади.

39. Солиқ аудити жараёнида солиқ органларига текшириладиган шахснинг камерал ёки сайёр солиқ текширувлари ўтказилганда илгари тақдим этилган хужжатларни, шунингдек солиқ мониторингини ўтказиш жараёнида тасдиқланган кўчирма нусхалар шаклида тақдим этилган хужжатларни текшириладиган шахсдан талаб қилиб олишга ҳақли эмас.

Агар хужжатлар илгари солиқ органига асл нусхалар тарзида тақдим этилиб, кейинчалик текшириладиган шахсга қайтарилган бўлса, шунингдек солиқ органига тақдим этилиб, бартараф этиб бўлмайдиган куч ҳолатлари оқибатида йўқотилган тақдирда, хужжатлар текшириладиган шахсдан қайта талаб қилиб олиниши мумкин.

7-боб. Учинчи шахслардан хужжатларни (ахборотни) талаб қилиб олиш

40. Солиқ аудитини ўтказувчи шахс солиқ тўловчининг фаолиятига тааллуқли хужжатларга (ахборотга) эга бўлган контрагентдан ёки бошқа шахслардан ушбу хужжатларни (ахборотни) талаб қилиб олишга ҳақли.

41. Агар текшириладиган солиқ тўловчининг фаолиятига тааллуқли хужжатлар (ахборот) бошқа ҳудудда ҳисобда турган солиқ тўловчидан (учинчи шахсдан) олиш талаб этилса, солиқ аудитини ўтказувчи солиқ органи тегишли хужжатларни (ахборотни) талаб қилиб олиш тўғрисида солиқ тўловчи (учинчи шахс) ҳисобда турган жойидаги солиқ органига топшириқнома юборади.

Топшириқномада солиқ аудити жараёнида талаб қилиб олинмайдиган хужжатлар (ахборот) кўрсатилади ҳамда солиқ аудитини ўтказиш тўғрисидаги буйруқ нусхаси илова қилинади.

Топшириқнома олинган кундан эътиборан уч иш куни ичида хужжатлар (ахборот) қайси шахсдан талаб қилинаётган бўлса, ўша шахснинг ҳисобда турган жойидаги солиқ органи томонидан учинчи шахсга талабнома юборилади.

Талабномага хужжатларни (ахборотни) талаб қилиб олиш тўғрисидаги топшириқноманинг кўчирма нусхаси илова қилинади.

42. Талабномани олган шахс талабнома олинган кундан эътиборан беш иш куни ичида уни бажаради ёки талаб қилиб олинаётган хужжатларга (ахборотга) эга эмаслигини ҳабар қилади.

Агар талаб этиладиган хужжатларни (ахборотни) мазкур муддатда тақдим этиш имкони бўлмаса, солиқ органи учинчи шахснинг илтимосномасига кўра ушбу хужжатларни (ахборотни) тақдим этиш муддатини узайтиришга ҳақли.



8-боб. Ҳужжатларни ва электрон ахборот жисмларини олиб қўйиш

43. Солиқ аудитини ўтказувчи шахс солиқларни ва йиғимларни ҳисоблаб чиқариш билан боғлиқ ҳужжатларни ва электрон ахборот жисмларини (солиққа оид ахборотларни сақловчи мосламалар, шу жумладан компьютернинг қаттиқ диски, ноутбуклар ва бошқалар) Солиқ кодексининг 148-моддасида белгиланган тартибда олиб қўйишга ҳақли.

44. Ҳужжатлар ва электрон ахборот жисмлари қуйидаги ҳолларда олиб қўйилади:

солиқ аудитини ўтказиш жараёнида ҳужжатларни тақдим этиш солиқ тўловчи томонидан рад этилганлиги ёки белгиланган муддатларда тақдим этилмаганда;

ҳужжатларнинг кўчирма нусхалари етарли бўлмаса ҳамда солиқ органларида ҳужжатларнинг асл нусхалари йўқ қилиниши, яширилиши, ўзгартирилиши ёки алмаштириб қўйилиши мумкинлиги тўғрисида тахмин қилиш учун етарлича асослар мавжуд бўлганда.

45. Олиб қўйилган ҳужжатлар ва электрон ахборот жисмларини сақлаш зарурати тугагунга қадар сақлаб турилади.

Солиқ аудити учун аҳамияти бўлмаган ҳужжатлар ва электрон ахборот жисмлари солиқ аудитини ўтказувчи шахс томонидан кўздан кечириб бўлганидан кейин эгаларига дарҳол қайтариб берилади. Қайтарилган ҳужжатлар ва электрон ахборот жисмлари бўйича солиқ тўловчидан қабул қилиб олганлигини тўғрисида тилхат олинади.

46. Ҳужжатларнинг асл нусхалари олиб қўйилганда, солиқ органлари уларнинг сақланишини таъминлашлари шарт.

47. Ҳужжатлар ва электрон ахборот жисмларини олиб қўйиш ушбу Низомнинг 5-иловасига мувофиқ шаклдаги солиқ аудитини ўтказувчи шахснинг асослантирилган қарори асосида амалга оширилади.

48. Ҳужжатлар ва электрон ахборот жисмларини тунги пайтда (соат 23-00 дан 06-00 га қадар бўлган вақт оралиғида) олиб қўйишга йўл қўйилмайди.

Солиқ текшируви предметида алоқаси бўлмаган ҳужжатлар ва буюмлар олиб қўйилмайди.

49. Ҳужжатлар ва электрон ахборот жисмларини олиб қўйиш ҳолислар ҳамда ҳужжатлари ва электрон ахборот жисмларини олиб қўйиш амалга оширилаётган шахслар иштирокида ўтказилади. Барча олиб қўйиладиган ҳужжатлар ва электрон ахборот жисмлари ҳолисларга ҳамда олиб қўйишда иштирок этувчи бошқа шахсларга кўрсатилади ва зарур бўлган тақдирда олиб қўйилган жойда ўралади.

50. Ҳужжатлар ва электрон ахборот жисмларини олиб қўйиш тўғрисида ушбу Низомнинг 6-иловасига мувофиқ шаклда баённома тузилади ва унинг кўчирма нусхаси солиқ тўловчига имзо қўйдирилган ҳолда тақдим этилади.

51. Солиқ тўловчи баённомани олишдан бош тортса, баённомага тегишли ёзув киритилади ва бир нусхаси солиқ тўловчининг шахсий кабинетига ёки почта орқали буюртма хат билан юборилади.



9-боб. Солиқ аудитининг иштирокчилари

52. Солиқ аудитини ўтказувчи шахс ходимлар, солиқ тўловчи ва унинг вакиллари солиқ аудитининг иштирокчиларидир.

53. Солиқ аудити ўтказилишида Солиқ кодексининг 149 – 153-моддаларида белгиланган тартибда гувоҳ, эксперт, мутахассис, таржимон ва холислар жалб этилиши, шунингдек, агар юзага келадиган масалаларни тушунтириш учун илм-фан, санъат, техника ёки ҳунармандчилик соҳасидаги махсус билимлар талаб этилса, экспертиза тайинланиши мумкин.

54. Эксперт, мутахассис ва таржимонни жалб қилиш учун солиқ органи томонидан тегишли давлат органлари ва ташкилотига мурожаат қилинади. Мазкур шахсларни давлат органлари ва ташкилотларидан жалб қилишнинг имкони бўлмаган тақдирда эса, мустақил эксперт, мутахассис ёки таржимонлар шартнома асосида жалб қилинади.

55. Солиқ аудитини амалга оширишда гувоҳлардан кўрсатмалар олишдан аввал солиқ аудитини ўтказувчи шахс гувоҳни кўрсатмалар беришни рад этганлик ёки бундан бош тортганлик ёхуд била туриб ёлғон кўрсатмалар берганлик учун жавобгарлик тўғрисида огоҳлантиради ва гувоҳнинг берган кўрсатмалари юзасидан ушбу Низомнинг 7-иловасига мувофиқ шаклда баённома тузилади. Баённома солиқ аудитини ўтказувчи шахс ва гувоҳ томонидан имзоланади.

56. Экспертиза тайинлаш тўғрисида солиқ органининг раҳбари (раҳбар ўринбосари) солиқ аудитини ўтказувчи шахснинг илтимосномаси асосида ушбу Низомнинг 8-иловасига мувофиқ қарор қабул қилади.

57. Солиқ аудитини ўтказувчи шахс солиқ тўловчини экспертиза тайинланганлиги тўғрисидаги қарор билан таништиради ва ҳуқуқларини тушунтириб, бу ҳақида ушбу Низомнинг 9-иловасига мувофиқ баённома тузади.

58. Солиқ органлари ходимлари холислар сифатида иштирок этишига йўл қўйилмайди.

59. Жамоатчилик назоратини амалга ошириш учун Ўзбекистон Республикаси Савдо-саноат палатаси ва (ёки) бошқа нодавлат нотижорат ташкилотларнинг вакиллари солиқ тўловчининг ҳуқуқлари ва қонуний манфаатларини ҳимоя қилиш учун қуйидаги ҳолларда солиқ аудити жараёнида иштирок этиши мумкин:

солиқ тўловчида Ўзбекистон Республикаси Савдо-саноат палатаси аъзоси эканлигини тасдиқловчи ҳужжат мавжуд бўлганда;

вакилнинг хизмат гувоҳномаси ва текширишда қатнашиш учун ишончномаси бўлганда.

Вакил солиқ аудитини ўтказувчи шахс ўз хизмат вазифаларини бажариш чоғида улар қонуний фаолиятига аралашмаслиги лозим.



10-боб. Солиқ аудити натижаларини расмийлаштириш

60. Солиқ аудити натижасига кўра солиқ аудитини ўтказувчи шахс томонидан мазкур Низомнинг 10-иловасига мувофиқ шаклда уч нусхада солиқ аудити далолатномаси тузилади.

61. Солиқ аудити далолатномасига текширув давомида аниқланган солиқ тўғрисидаги қонун ҳужжатларининг бузилишлари фактларини тасдиқловчи ҳужжатлар илова қилинади.

Агар солиқ аудити натижасида солиқ тўғрисидаги қонун ҳужжатларининг бузилишлари аниқланмаган бўлса, бу ҳақда солиқ аудити далолатномасида қайд этилади.

62. Солиқ аудити далолатномасининг барча нусхалари солиқ аудитини ўтказувчи шахс (шахслар) томонидан имзоланади. Солиқ аудити далолатномасининг бир нусхаси солиқ тўловчига солиқ аудити тугаганидан кейин уч кун ичида топширилади.

63. Солиқ тўловчининг солиқ аудити далолатномасидаги имзоси унинг солиқ аудити натижаларига розилигини билдирмайди.

64. Солиқ тўловчи солиқ аудити далолатномасини олишдан бош тортган тақдирда, солиқ аудитини ўтказувчи шахс бу ҳақда солиқ аудити далолатномасига тегишли ёзув киритади.

Бундай ҳолда солиқ аудити далолатномасининг бир нусхаси солиқ тўловчига почта орқали буюртма хат билан юборилади.

65. Солиқ тўловчи солиқ текшируви далолатномасида баён этилган фактларга ва (ёки) солиқ аудитини ўтказувчи шахснинг хулосалари ҳамда таклифларига рози бўлмаган тақдирда, солиқ аудити далолатномасини олган кундан эътиборан ўн иш куни ичида тегишли солиқ органига мазкур далолатнома бўйича умуман ёки унинг айрим ҳолатлари юзасидан ёзма эътирозларини тақдим этишга ҳақли.

66. Солиқ тўловчи ўз эътирозларининг асосланганлигини тасдиқловчи ҳужжатларни (уларнинг тасдиқланган кўчирма нусхаларини) ёзма эътирозларга илова қилишга ёки келишилган муддатда солиқ органига топширишга ҳақли.

67. Солиқ аудити материаллари солиқ тўловчи ҳисобда турган жойдаги солиқ органига юборилади ҳамда солиқ аудити тугаган кундан кейинги иш кунидан кечиктирмай рўйхатдан ўтказилади ва солиқ аудити натижаси бўйича маълумотлар солиқ текширувлари ҳисобини юритиш ахборот тизимига киритилади.

68. Солиқ аудити материалларини кўриб чиқиш ва натижаси бўйича қарор қабул қилиш Солиқ кодексида белгиланган тартибда амалга оширилади.

11-боб. Яқуний қондалар

69. Мазкур Низом талабларини бузганликда айбдор бўлган шахслар қонунчиликда белгиланган тартибда жавобгар бўлади.



70. Мазкур Низом талабларига риоя қилмасдан, солиқ аудитини тўлик, ҳар томонлама ва ҳолисона ўтказмаганлиги натижасида бюджетга ёки солиқ тўловчига етказилган зарар учун солиқ органи раҳбари (раҳбар ўринбосари) ҳамда солиқ аудитини ўтказган мансабдор шахслар қонунчиликда белгиланган тартибда жавобгар бўладилар.

71. Ушбу Низом Ўзбекистон Республикаси Президенти ҳузуридаги Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил ва Савдо-саноат палатаси билан келишилган.

Ўзбекистон Республикаси
Президенти ҳузуридаги
Тадбиркорлик субъектларининг
ҳуқуқлари ва қонуний
манфаатларини ҳимоя қилиш
бўйича вакил

2020 йил "18" МАЙ



Д. Касимов

Ўзбекистон Республикаси
Савдо-саноат палатаси раиси

2020 йил "18" МАЙ



А. Икромов

Солиқ аудитини ўтказиш
тўғрисидаги низомга
1-ИЛОВА

(солиқ тўловчи номи, СТИР, манзили)

**Солиқ аудитини ўтказиш тўғрисида
ХАБАРНОМА**

(сана)

(солиқ органи номи)

шунини маълум қиладики, солиқ тўловчиларни танлаб олиш натижасида олинган хавф омилларини таҳлил қилиш натижаларига кўра, _____

(солиқ тўловчи номи)

юқори таваккалчиликка мансуб бўлган солиқ тўловчи сифатида тавсифланди.

Солиқ аудити солиқ тўловчининг 20__-20__ йиллардаги фаолияти бўйича барча турдаги солиқ ва йиғимлари ёки _____ солиғи бўйича _____

(аниқ солиқ тури кўрсатилади)

ҳисоб-китобларнинг тўғри ҳисобланиши юзасидан ўтказилади.

Солиқ аудити _____ 20__ йилда бошланади.

Ўзбекистон Республикаси Солиқ кодексининг 140-моддаси талабларига мувофиқ солиқ тўловчи солиқ аудити бошлангунига қадар қуйидаги ҳужжатлар тайёрлаб қўйилиши лозим:

Солиқ тўловчи рўйхатга олинган манзилида жойлашмаган тақдирда, хабарнома юборилган кундан эътиборан беш иш куни мобайнида солиқ тўловчининг ҳақиқатда жойлашган жойи бўйича тасдиқловчи ҳужжатлар нусхалари илова қилинган ҳолда хабарнома юборган солиқ органига маълумот бериши лозим.

Солиқ тўловчи жойлашган жойини тасдиқловчи ҳужжат бўлиб қуйидагилар ҳисобланади:

кўчмас мулкга бўлган эгалик ҳуқуқини тасдиқловчи ҳужжат (ундан фойдаланиш) нусхаси;

кўчмас мулкга эгалик ҳуқуқи мавжуд бўлган шахс билан тузилган ижара шартномаси нусхаси.

Солиқ тўловчининг раҳбари (вақтинча раҳбар вазифасини бажарувчи шахс ёки имзо чекиш ҳуқуқига эга бўлган ўринбосари) солиқ тўловчининг рўйхатга олинган (ёки жойлашган) манзилида бўлиб, солиқ аудити жараёнида иштирок этиши таъминлансин.


(солиқ органи номи)

(имзо)

(Ф.И.О.)

Ижрочи: _____

(лавозими, Ф.И.О. ва телефон рақами)



Солиқ аудитини ўтказиш
тўғрисидаги низомга
2-ИЛОВА

**Солиқ органларининг солиқ аудинини ўтказувчи мансабдор шахсларига мазкур
худудларга ёки биноларга (бундан турар-жой бинолари мустасно)
киришига тўсқинлик қилинганлик тўғрисидаги
ДАЛОЛАТНОМА**

20 ____ йил “ ____ ” _____

_____ (далолатнома тузилган жой)

_____ (далолатнома тузган мансабдор шахснинг лавозими, Ф.И.О.)

_____ (солиқ органи буйруғи рақами, санаси)

_____ (солиқ тўловчининг номи, СТИР, жойлашган манзили)

қуйидаги ҳуқуқбузарликни содир этган: _____

_____ (ҳуқуқбузарлик содир этилган жойи, вақти, бу ҳуқуқбузарликнинг мазмуни,

агар солиқ қонунчилиги бузилган бўлса, талаби бузилган Солиқ кодексининг моддаси

ёки _____

_____ (бошиқа қонун ҳужжатларининг номи ва моддаси/ банди)

Мазкур далолатномани тузилиши солиқ тўловчининг банкдаги ҳисобварақлари бўйича операцияларини ўн кундан кўп бўлмаган муддатга тўхтатиб туришга ҳамда солиқ органи текшириляётган шахс тўғрисида ўзида мавжуд бўлган маълумотлар ёки худди шундай солиқ тўловчилар тўғрисидаги маълумотлар асосида тўланиши лозим бўлган солиқ суммасини мустақил тарзда аниқлашга сабаб бўлишини маълум қилинади.

Ҳолат юзасидан ҳуқуқбузарлик содир этган шахснинг тушунтириши ёки далолатномани имзолашдан бош торганлиги:

_____ (ҳуқуқбузарлик тавсилотлари тўғрисида қисқача маълумот содир этган ҳаракат(ҳаракатсизлик)лари баёни)

Далолатномага кўшимчалар ва иловалар:

_____ (видео ва фотосуратлар, гувоҳлар Ф.И.О.) ва х.к)

ЛИК

AVI
{XA
'KA'

ОК

Ҳуқуқбузарлик содир этган шахсга Солиқ кодексининг 21 ва 22-моддаларида назарда тутилган ҳуқуқ ва мажбуриятлари тушунтирилди:

_____ (ҳуқуқбузарлик содир этган шахснинг Ф.И.О.) _____ (имзо)

_____ (гувоҳларнинг Ф.И.О.) _____ (имзо)

_____ (гувоҳларнинг Ф.И.О.) _____ (имзо)

Баённомани туздим:

_____ (лавозими ва Ф.И.О.) _____ (имзо)

Солиқ аудитини ўтказиш тартиби
тўғрисидаги низомга
3-ИЛЮВА

Кўздан кечириш тўғрисида
БАЁННОМА

_____ -сон

20__ йил “__” _____

_____ (баённома тузилган жой)

_____ (текиширилатган тадбиркорлик субъектининг номи)

да

нинг

_____ (солиқ органи номи)

20__ йил “__” _____ даги _____ -сонли солиқ аудитини ўтказиш ҳақидаги буйруғига асосан солиқ тўловчининг _____

_____ (савдо шохобчаси, омбури, даромад олиш билан боғлиқ бошқа объектлари)

фаолияти текширилиб, кўздан кечирилди.

Кўздан кечириш ва олиб қўйиш соат _____ да бошланиб, соат _____ да тугалланди.

Кўздан кечириш ва олиб қўйиш _____

_____ (солиқ органи масъул ходимининг лавозими, Ф.И.О.)

томонидан амалга оширилди.

Кўздан кечириш жараёнида, _____

_____ (кўздан кечириш

_____ жараёнида иштирок этган ва (ёки) ҳозир бўлган шахслар

_____ ва уларнинг фамилияси, исми, отасининг исми, зарур ҳолларда манзиллари)

иштирок этди.

Солиқ тўловчига ҳамда кўздан кечириш жараёнида иштирок этаётган шахсларга ҳуқуқ ва мажбуриятлари тушунтирилди.

(орқа томони)

Кўздан кечириш жараёни

(аппарат номи, русуми)

воситасида фотосуратга олинди ва (ёки) видеоёзувга туширилди, фотосуратлар,
видеоёзувлар илова қилинади.

_____ (солиқ органи масъул ходими лавозими)

_____ (имзо)

_____ (Ф.И.О.)

_____ (имзо)

_____ (Ф.И.О.)

Иштирок этган шахслар:

1. _____

(солиқ тўловчи)

_____ (имзо)

_____ (Ф.И.О.)

2. _____

_____ (имзо)

_____ (Ф.И.О.)

3. _____

_____ (имзо)

_____ (Ф.И.О.)

Баённоманинг бир нусхасини 20__ йил “__” _____ кунин олдим:

_____ (имзо)

_____ (Ф.И.О.)

Солиқ аудитини ўтказиш
тўғрисидаги низомга
4-ИЛОВА

Солиқ аудити ўтказилиши давомида ҳужжатларни тақдим
этишдан бош тортиш тўғрисидаги
ДАЛОЛАТНОМА

20 ____ йил “ ____ ” _____

(далолатнома тузилган жойи)

Мен, _____
(далолатнома тузган мансабдор шахснинг лавозими, Ф.И.О.)

(солиқ органи буйруғи рақами, санаси)

(солиқ аудити ўтказилиши лозим бўлган солиқ тўловчининг номи, СТИР, манзили)

қуйидаги ҳуқуқбузарликни содир этган: _____

(ҳуқуқбузарлик содир этилган жойи, вақти, бу ҳуқуқбузарликнинг мазмуни, агар солиқ

қонунчилиги бузилган бўлса, талаби бузилган Ўзбекистон Республикаси Солиқ кодексининг моддалари

ёки _____ **111-моддаси ва 145-моддаси**
бошиқа қонун ҳужжатларининг номи, моддаси, банди)

Мазкур далолатномани тузилиши солиқ тўловчининг банкдаги ҳисобварақлари бўйича операцияларини ўн кундан кўп бўлмаган муддатга тўхтатиб туришга ҳамда солиқ органи текшириляётган шахс тўғрисида ўзида мавжуд бўлган маълумотлар ёки худди шундай солиқ тўловчилар тўғрисидаги маълумотлар асосида тўланиши лозим бўлган солиқ суммасини мустақил тарзда аниқлашга сабаб бўлишини маълум қилинади.

Ҳолат юзасидан ҳуқуқбузарлик содир этган шахснинг тушунтириши ёки далолатномани имзолашдан бош торганлиги:

(ҳуқуқбузарлик тавсилотлари тўғрисида қисқача маълумот, содир этган ҳаракат(ҳаракатсизлик)лари баёни)

Далолатномага қўшимчалар ва иловалар:

(видео ва фотосуратлар, гувоҳлар Ф.И.О.) ва х.к)

Хуқуқбузарлик содир этган шахсга Ўзбекистон Республикаси Солиқ кодексининг 21 ва 22-моддаларида назарда тутилган хуқуқ ва мажбуриятлари тушунтирилди:

(хуқуқбузарлик содир этган шахснинг Ф.И.О.)

(имзо)

(гувоҳларнинг Ф.И.О.)

(имзо)

(гувоҳларнинг Ф.И.О.)

(имзо)

Баённомани туздим:

(лавозими ва Ф.И.О.)

(имзо)

Солиқ аудитини ўтказиш
тўғрисидаги низомга
5-ИЛОВА

Хужжатлар ва электрон ахборот жисмларини олиб қўйиш тўғрисидаги ҚАРОРИ

20__ йил “__” _____

_____ (қарор қабул қилинган жой)

_____ (солиқ аудитини ўтказувчи шахснинг лавозими, Ф.И.О.)

_____ (солиқ органи номи, солиқ аудитини ўтказиш тўғрисида буйруқ сапаси, рақами)

_____ да

_____ (солиқ тўловчининг номи, СТИР)

солиқ аудитини ўтказиш давомида

АНИҚЛАДИМ:

_____ (ҳолатлар баёни: солиққа оид ҳуқуқбузарликни тасдиқловчи ҳужжатлар нусхасини ёки ҳужжатларни ўзгартирилиши ёки алмаштириб қўйилиши мумкинлиги олдини олиш мақсадида ҳужжатлар аслини олиб қўйиш)

Ўзбекистон Республикаси Солиқ кодексининг 26, 146 ва 148-моддаларига асосан

ҚАРОР ҚИЛАМАН:

_____ дан қуйидагиларни олиб қўйиш:

_____ (солиқ тўловчининг номи, СТИР)

1. _____
2. _____
3. _____
4. _____

_____ (солиқ органи ходими)

_____ (имзо)

_____ (Ф.И.О.)

Хужжатлар ва электрон ахборот жисмларини олиб қўйиш тўғрисидаги қарор билан
танишдим:

_____ (солиқ тўловчи, Ф.И.О.)

_____ (сана)

_____ (имзо)

BLII

DAV
YXA
TKA

2.0

Солиқ аудити ўтказиш тартиби
тўғрисидаги низомга
6-ИЛОВА

**Хужжатлар ва электрон ахборот жисмларини олиб қўйиш тўғрисида
БАЁННОМА
_____сон**

_____ (баённома тузилган сана)

_____ (баённома тузилган жой)

_____ (солиқ органи номи, мансабдор шахс лавозими, Ф.И.О.)

_____ да солиқ аудитини ўтказиш давомида

_____ (солиқ тўловчи номи, СТИР)

АНИҚЛАДИМ:

_____ (хужжатлар ва электрон ахборот жисмларини олиб қўйишга асослар баёни)

Ўзбекистон Республикаси Солиқ кодексининг 26, 146, 148-моддаларига асосан

ҚАРОР ҚИЛАМАН:

_____ (солиқ тўловчи номи, СТИР)

_____ дан олиб қўйилсин.

Қўйидаги хужжат ва электрон ахборот жисмлари олиб қўйилсин:

1. _____
2. _____
3. _____
4. _____

_____ (солиқ органи номи)

_____ (лавозими)

_____ (имзо)

_____ (Ф.И.О.)

Хужжатлар ва буюмлар олиб қўйилиши тўғрисидаги қарор билан танишдим:

_____ (солиқ тўловчи, Ф.И.О.)

_____ (сана)

_____ (имзо)

CA SI

LAT
TID
ZIL

* 19 *

Солиқ аудитини ўтказиш
тўғрисидаги низомга
7-ИЛОВА

**Гувоҳлар кўрсатмаси тўғрисида
БАЁННОМА**
_____сон

20____ йил “ ”

(баённома тузилган эҳой)

_____ *(солиқ хизмати органининг номи)*

_____ *(мансabdор шахсининг Ф.И.О.)*

_____ *(гувоҳнинг Ф.И.О.)*

_____ *(текиширув билан бўлган боғлиқ маълумотлар)*

_____ *(солиқ органи номи, мансabdор шахсининг лавозими)*

_____ *(имзо)*

_____ *(Ф.И.О.)*

_____ *(гувоҳни кўрсатма беришдан бош тортганлик, ёлгон кўрсатма берганлик шунингдек, била туриб ёлгон кўрсатма берганлик учун жавобгарлик тўғрисида огоҳлантириши)*

Баённома билан танишиб чиқдим:

_____ *(Ф.И.О., гувоҳнинг яшаси манзили)*

_____ *(сана)*

_____ *(имзо)*

Солиқ аудитини ўтказиш
тўғрисидаги низомга
8-ИЛОВА

Экспертиза тайинлаш тўғрисида
ҚАРОР
_____ -сон

20__ йил “_____”
(кун) (ой)

_____ (қарор қабул қилинган жой)

_____ (солиқ органи номи, мансабдор шахснинг лавозими, Ф.И.О.)

_____ нинг _____ йил _____ даги _____ -сон
(солиқ органи раҳбари (ўринбосари) Ф.И.О.)

буйруғига асосан тайинланган _____ да
(солиқ тўловчининг номи, СТИР)
солиқ аудитини ўтказиш давомида

АНИҚЛАДИМ:

_____ (ҳолатлар баёни, экспертиза тайинлаш учун асос)

Ўзбекистан Республикаси Солиқ кодексининг 150-моддасига асосан

ҚАРОР ҚИЛАМАН:

_____ экспертиза тайинлансин
(экспертиза номи)

ва экспертизани ўтказиш _____ га топширилсин.
(ташкilot номи ёки экспертнинг Ф.И.О.)

_____ да
(экспертиза ўтказилиши лозим бўлган солиқ тўловчи номи)

эксперт олдида куйидаги саволлар кўйилсин:

1. _____
2. _____

экспертга куйидаги материаллар тақдим қилинсин:

1. _____
2. _____

_____ (солиқ органи мансабдор шахснинг лавозими)

_____ (имзо)

_____ (Ф.И.О.)

Экспертиза тайинлаш тўғрисидаги қарор билан таниндим:

_____ (солиқ тўловчи, Ф.И.О.)

_____ (сана)

_____ (имзо)

Солиқ аудитини ўтказиш
тўғрисидаги низомга
9-ИЛОВА

**Экспертиза тайинланганлик тўғрисида
солиқ тўловчининг ҳуқуқларини тушунтириш ҳақидаги
БАЁННОМА**

_____ -сон

20 ____ йил “ ____ ” _____

_____ (баённома тузилган жойи)

_____ нинг ____ йил _____ даги ____ -сон қарорига асосан
(қарор қабул қилган шахснинг лавозими, Ф.И.О.)

_____ тайинланди.

_____ (экспертиза номи)

_____ (экспертнинг Ф.И.О.)

_____ (экспертиза ўтказилиши лозим бўлган солиқ тўловчининг номи)

Солиқ кодексининг 150-моддасига муфовиқ экспертиза тайинлаш ва ўтказиш
жараёнида солиқ тўловчи:

- 1) экспертни рад этиш;
- 2) экспертни ўзи кўрсатган шахслар орасидан тайинлаш тўғрисида илтимос қилиш;
- 3) кўшимча саволларни тақдим этиб, улар юзасидан эксперт хулосасини олиш;
- 4) солиқ органи мансабдор шахсининг рухсати билан экспертиза ўтказишда иштирок этиш ва экспертга тушунтиришлар бериш;
- 5) экспертнинг хулосаси билан танишиш;
- 6) экспертнинг хулосаси юзасидан асослантирилган фикр тақдим этиш ҳуқуқига эга.

_____ (солиқ органи номи)

_____ (имзо)

_____ (Ф.И.О., лавозим)

Баённома билан танишдим:

_____ (солиқ тўловчининг Ф.И.О.)

_____ (солиқ тўловчининг эътирозлари)

_____ (сана)

_____ (имзо)



Солиқ аудитини ўтказиш
тўғрисидаги низомга
10-ИЛОВА

СОЛИҚ АУДИТИ ДАЛОЛАТНОМАСИ

20__ йил “__” _____

(далолатнома тузилган жой)

I. Кириш қисми

- 1) _____
(солиқ аудитини ўтказиш тўғрисидаги буйруқ рақами ва санаси, имзолаган солиқ органи раҳбарининг (ўринбосарининг) Ф.И.О.)
- 2) _____
(текшируви мансабдор шахсларнинг Ф.И.О., лавозими ва улар ишлаётган солиқ органи номи)
- 3) _____
(солиқ тўловчининг номи ҳамда идентификация рақами)
- 4) _____
(солиқ аудити ўтказилган солиқ даври)
- 5) _____
(солиқ аудитининг бошланиш ва тугаш санаси)
- 6) _____
(солиқ аудити рўйхатдан ўтказилганлиги тўғрисидаги маълумотлар)
- 7) _____
(солиқ аудитини ўтказиш тўғрисидаги буйруқ ва солиқ аудити ўтказилиши тўғрисидаги хабарнома солиқ тўловчига тақдим этилган сана)
- 8) _____
(солиқ тўловчига уларнинг ҳуқуқ ва мажбуриятлари, шунингдек солиқ органларининг ҳуқуқлари тушунтирилганлиги изоҳи)
- 9) _____
(текширилаётган давр учун солиқ тўловчининг молиявий ҳужжатларга биринчи ва иккинчи имзо қўйиш ҳуқуқига эга бўлган шахслари тўғрисидаги маълумотлар)
- 10) _____
(солиқ тўловчининг таъсис ҳужжатлари, давлат органларида рўйхатдан ўтганлиги ҳақида маълумотлар)
- 11) _____
(солиқ тўловчининг фаолияти турлари тўғрисида маълумот)
- 12) _____
(устав капиталининг шаклланиши, таъсисчилар таркиби)
- 13) _____
(кадастр ҳужжатлари тўғрисида маълумотлар)
- 14) _____
(солиқ тўловчининг филиаллари ва бошқа алоҳида бўлинмалари, ваколатхоналари жойлашган жойи (уларнинг манзили), асосий ҳудудидан бошқа манзилларда жойлашган ишлаб чиқариш, омборхона, савдо шаҳобчаларининг дислокацияси, ижарага олинган ёки солиқ тўловчида эгаллик ҳуқуқида бўлган ер майдонлари тўғрисида маълумот)
- 15) _____
(лицензия ва бошқа рухсатномалар (агар мавжуд бўлса) тўғрисида маълумот)
- 16) _____
(бошқа корхоналарга киритилган инвестициялар тўғрисида маълумот)
- 17) _____
(банк ҳисоб рақамлари тўғрисида маълумот)
- 18) _____
(олдинги ўтказилган солиқ ҳамда аудиторлик ташкилотлари текширувлари тўғрисида маълумот)

Ўзбекистон Республикаси

ДАВЛАТ
ЎЯХАТИ
ЎТКАЗИЛИ

2020.06.30

II. Асосий қисми

- 19) _____
(солиқ тўловчининг ҳисоботда акс эттирилган солиқ ва йиғимларнинг шахсий ҳисобварағига ўтказилганлиги)
- 20) _____
(солиқ тўловчининг даромад турлари ва суммалари тўғрисида йиллар кесимида маълумот)
- 21) _____
(қўшимча (камайтиришга) ҳисобланган солиқ ва йиғимлар суммаларининг келиб чиқиш сабаблари, қонун ҳужжатларига ҳаволалар)
- 22) _____
(худудлар ва бинолар кўздан кечирилганлиги, солиқ тўловчида инвентаризация (хатлов), экспертиза ўтказилганлиги, ҳужжатлар ва электрон ахборот жисмлари олиб қўйилганлиги ва солиқ аудитини ўтказишда амалга оширилган бошқа ҳаракатлар тўғрисидаги маълумотлар)
- 23) _____
(солиқ органлари зиммасига юклатилган қонун ҳужжатлари бузилиши ҳолатлари)
- 24) _____
(солиқ тўғрисидаги қонун ҳужжатларининг бузилиши аниқланган ҳолатлар бўйича илова қилинган бошқа ҳужжатлар)
- 25) _____
(солиқ тўловчининг бирламчи ҳужжатлари қамраб олинишига қараб уларни ўрганиш усули тўғрисида маълумот ва қайси йўналиш ҳужжатлари тўлиқ, қайси ҳужжатлар эса танлов йўли билан ўрганилди)
- 26) _____
(солиқ тўловчи солиқ аудитини ўтказмаётган солиқ органининг мансабдор шахси томонидан сўралган, талаб қилинган ҳужжатлар тақдим қилинмаган ёки тўлиқ тақдим қилинмаган ҳолатлар ҳақида маълумот ва ушбу ҳужжатлар рўйхати)

III. Далолатноманинг яқуний қисми

- 27) _____
(солиқ аудити натижаси юзасидан хулосалар)
- 28) _____
(далолатнома иловаларининг сони)

Изоҳ: Солиқ текшируви далолатномасига, солиқ ва йиғимларни ҳисоблаб чиқариш ва тўлаш билан боғлиқ бўлган, шунингдек бошқа масалалар бўйича аниқланган ҳуқуқбузарликлардан далолат берувчи ҳужжатлар (асли ёки нусхаси) илова қилиниши лозим бўлади.

